

107 年全國語文競賽客家語朗讀文章國小學生組（四縣腔）

編號 01 號

【蹶山】劉玉蕉原作

天吉光，狗吉吠，阿姆就在該咻哩！「阿榮啊，好跣哩，日頭愛出來哩啲！」

「阿珍妹，遽遽著鞋啲，愛出門哩啲！」

天甫甫仔光，日頭還在該睡目，偃兜一屋下人就目擘擘仔起腳行，共下去蹶小中崙山哩。路狹狹仔，草面頂个露水吉散，分偃兜个腳徑啊著，就歸串歸串碾落地泥，一粒一粒金皙皙像珍珠樣仔，靚到耐毋得！吾心肝肚偷偷想：若係用佢兜來串一條珍珠骰鍊，送分阿姆戴，毋知幾靚仔哦！

涼爽个風，一陣一陣吹來，路脣个花花草草，分佢吹到搖頭拗腰，領頭行禮，就像該戲臺面頂，煞猛表演个大明星共樣。行到山下，老妹湊偃拚輸贏，看麼人先跋上山嶺頂去。兩儕就恁樣頭磬磬，麼人都毋認輸，相爭拚往上。偃座大當然輸毋得，歸路毋敢停跔，嘍嘍嘍大氣緊啟，直直拚上山，蹶到山頂，撇等心臟，佢斯跳到硬硬像愛恬忒樣仔哦！

「哇！山頂个風當涼呢！」看往下，老妹還在半山排，厥个面頰卵紅啾啾仔，偃看哪，廟肚个關公都無佢恁紅哦！一張嘴擘啊擘

仔，又像細狗仔啟氣，實在還古董，還好笑！

山頂个風，特別清，特別涼爽，風裡肚有東勢果子个香氣，有花花草草个清甜味緒，這風吹到人歸身仔鬆爽，吹到人透心涼，進前蹶山个艱苦，到這下也做下毋記得也！樹頂絡食个鳥仔嘰嘰啾啾，跳上跳下叫無停，草竇个蟲仔毋願輸佢，也唧唧滾應聲。打早，山頂就恁仔鬧熱嘰啾哩！眺望該山下，遠遠个東勢，到今還蒙等一層紗，在濛紗煙裡肚睡到毋知好醒呢！

「遽遽，大家看！還靚哦！」

東片个雲像打咗粉樣仔，紅霞紅霞。紅霞退忒，係千條萬條个金色光，對山仔个後背射出來，無幾久，一粒大火球，就對山頭跳出來哩，晟到人擘毋開目，晟到濛紗遽遽隱身。日時頭个事頭，對這下正正式起勢呢！

企在山棟頂，偃兜放勢牯享受打早个光景，登高眺望个開闊視野，使人心情快樂，分人知得感恩，感恩大自然賜分佢人恁仔个好環境。阿爸長透講：「早跣床个鳥仔就有蟲仔好食。」到這下，偃總算體會著這句話个意思哩！

【路燈下个蟾蜍】邱一帆原作

今晡暗晡就像往日共樣，食飽夜¹就想行到屋面前，啖幾口仔清清个空氣，分正食飽个暈暈个腦筋清醒；順續仔，看幾眼仔屋脣菜園自家種个青菜，分自家有一息息仔成就感！這種習慣，毋知哪央時就養成个？反正，係到該時，就想打開大門，行往出²！

行到屋前，看著光光个路燈四圍，有一大群个水蟻仔，對等電火飛來飛去、飛上飛下。水蟻仔，就好³在落雨過後翕熱个暗晡頭飛出來，無就好在落雨之前翕熱个天時走出來。隔壁个阿伯、伯姆，係看著水蟻仔，就知愛落大雨哩！看該群水蟻仔在電火脣飛，有兜飛恹飛瘵抑係羽翼著傷，失忒平衡，就會跌到路燈下，飛又飛毋走，走又走毋贏。

就在路燈下、大路項，佢實在毋敢相信吾目珠看著个！一、二、三、四、五、六、七、八，總共有八隻、八隻蟾蜍，就在屋面前个大路項。佢當久當久毋識看著恁多蟾蜍，佢話著吾目珠有問題，就

遽遽喊吾舖娘行出屋下來看，啊喔！毋會差，確確係⁴！正想講該蟾蜍係毋係跳出大路項來奈涼⁵，就看著蟾蜍邊脣有該兜飛又飛毋走、走又走毋贏个大水蟻。

八隻蟾蜍，在八個絡食个位跡尋食，舌嫵西出西入先食頭前飛毋停動个大水蟻！再緊跳緊逐脣口該兜飛毋走、走毋贏个大水蟻⁶。過無點半鐘，電火脣个水蟻仔緊來緊少，路燈下个水蟻仔七分蟾蜍食到淨淨。佢看著該八隻蟾蜍還係企在大路項，等等頂高个水蟻仔跌下來，佢恬恬仔行過去，佢兜無發覺，無跳走！係講車仔駛過來，佢兜係毋知好閃，驚怕會同佢兜輾到綿綿⁷，腸肚就洩出來喔！

好得，差毋多兩點鐘个時間，無一臺車仔駛過屋前這條路，無一隻蟾蜍分車仔輾著，該載喔！八隻蟾蜍食到飽飽，跳轉菜園肚項去哩！

¹ 食飽夜：音 siid bau` ia；吃飽晚飯。

² 行往出：音 hang` gong` cud`；向外走出去。

³ 就好：音 qiu hau；就喜歡。

⁴ 確確係：音 kog` kog` he；確定是。

⁵ 奈涼：音 liau liong`；乘涼。

⁶ 大水蟻：音 tai sui` ngie；一種有翅的白蟻。

⁷ 綿綿：音 mien` mien`；稀爛。

【牛眼樹下个蠶仔寮】曾菁怡原作

吾妹仔有一日對學校拿等一隻盒仔轉來，裡肚係七八尾像鉛線仔恁大个蠶仔，妹仔講這係學校自然課愛觀察个，佢問佢識畜過蠶仔無？佢笑笑仔領頭，恁起一間用泥磚仔結个蠶仔寮，裡肚畜等成千尾白雪雪个蠶仔，屋頂係用灰色个瓦仔奔等，屋脊還有一頭大嫵頭个牛眼樹；熱天時節，還有蟬仔在樹頂唧唧唧唧唱歌个聲。

還細該下，每到放寮日，佢就會轉去莊下摺阿公阿婆戴。阿公阿婆除忒無閒田事，還有歸間仔滄滄个蠶仔愛畜。為著畜蠶仔，阿公種欸三坵榮榮个桑仔樹，每擺阿公阿婆在該無閒泊杈摘蠶仔葉該時，佢就在生到塞塞个樹田裡背搞园人尋，「阿婆，你知佢园在哪位無？」佢园到遠遠，大嫵聲問吾婆。「你园好勢唷！佢愛去尋你哩唷！」阿婆詐意仔應佢，摘蠶仔葉恁無閒，佢會有時間來搞寮？正园一站仔，佢分蚊仔叨到歸身仔都起降，實在佇毋著，高不將自家走等出來，唉唉嘖嘖。阿婆看著佢恁狼狽个形投，嘎異毋盼得，遽遽用笠嫵撥啊撥欸，摺佢逐蚊仔，帶等呻生呻死个佢飄轉屋去膏藥仔。

蠶仔寮个門輒常就關核核，淨做得在外背聽等裡肚胥胥疏疏¹个聲，吾婆盡驚上面蹶蹶²个佢入去交手亂串，仰般就毋肯分佢入去看一下。高不將哩，佢就用細人仔盡會使个打潑賴去累³吾婆，佢正無奈何分佢跣入去，毋過三叮嚀四吩咐，喊佢絕對做毋得捉蠶仔來搞。關密密个鐵門「隆～隆～隆～」个打開了，一陣臭轟个味道噴啊出來！「阿姆哀！仰會恁臭？」佢撚等鼻公，目聚聚仔問吾婆。「係蠶砂个味道，該做得拿來治療肚屎痛、頭那痛摺皮膚爪癢唷！」吾婆笑咪咪仔應佢。「麼个係蠶砂？」「就……蠶仔屎啦！」阿婆比等細細粒又烏烏个蠶仔屎分佢看。佢想起逐擺肚屎痛，阿婆就會拿欸一兩粒烏烏个臭藥丸分佢食，無成，阿婆就係分佢食該臭胖胖个蠶仔屎？毋知過欸幾多年，佢逐擺看著該烏烏个臭藥丸就驚。

該間蠶仔寮有佢童年个回憶，還有阿公阿婆打拚个身影，毋過這下淨做得在記才裡肚尋咧。幾下年前，阿公阿婆過身以後，牛眼樹同蠶仔寮全部都剷忒，起欸一棟派頭个樓屋，四圍種異多靚靚个花草。牛眼樹下个蠶仔寮像佢个童年，既經毋會過轉來哩。

¹ 胥胥疏疏：音 xi xi so so；狀聲詞，形容細碎的聲音。

² 上面蹶蹶：音 song' mien kied kied；形容小孩子很頑皮、耍賴不聽話。

³ 累：音 lui'；以哭鬧來纏人。